

Script of Evening Gojri News Bulletin 02 January 2025 at 1700 Hrs

ایوننگ گو جری نیوز بلیٹن مورخہ 02 جنوری 2025

یوہ آکا شوانی جموں ہے محمد مبارک ماہر تے عبدالرحمان شاہین تیں خبر سنو۔ پہلاں
خاص خاص خبر۔

Headlines

- *1. وزیر اعظم نریندر مو دی پلک دہلی مانہ کثیر ترقیاتی پروجیکٹاں غو افتتاح کریں گا تے نی پتھر رکھیں گا۔
- *2. ادھم پور سرینگر با رہمولہ ریلوے لائن پروجیکٹ غا کٹڑہ ریاسی ریل لائنک ور 7 تے 8 جنوری نانہ حتمی سی آر ایس معائنو کیو جا رہیو ہے تے جموں نانہ ریلوے ڈویژن غو درجو حاصل ہو وے۔ جس غو 6 جنوری نانہ وزیر اعظم نریندر مو دی نوی دہلی تیں مجازی طور افتتاح کریں گا۔
- *3. سال 2024 غے دوران جموں ضلع مانہ غیر قانونی طور کان کنی مانہ ملوث 9 سو 33 گڈیاں نانہ ضبط کیو گیو ہے۔
- *4. کاتور کیرالہ مانہ 35 ویں سینئر قومی فینسنگ چمپئن شپ مانہ جموں کشمیر غی شریا گپتا نے کانسہ غو تمغو حاصل کیو ہے۔
- *5. تے محکمہ موسمیات غی طرفوں پیشنگونی کی گئی ہے جے 3 جنوری تیں 6 جنوری تک جموں غا میدانی علاقہ مانہ ہلکی تیں درمیانہ درجہ غی بارش ہو سکے، تے جموں کشمیر غا کئی مقامات ور برفباری وی پے سکے، اوان کہنی دھند غی وجہ سنگ شمال بھارت مانہ بہت ساری ریل گڈیاں غا چلن غا وقت مانہ تاخیر ہو ئی ہے۔

خبران غی تفصیل نال پہلاں عبدالرحمان شاہین۔

PM Delhi Projects

وزیر اعظم نریندر مو دی پلک دہلی مانہ بہت سارا ترقیاتی پروجیکٹاں غو افتتاح کریں گاتے گجاں غو نی پتھر رکھیں گا۔ وے جے جے کلسٹرس غا بسنیکاں واسطے تقریباً 1 ہزار سوناں تعمیر کیا گیا فلیٹاں غو افتتاح کریں گا، تے قومی راجدھانی غا آشوک ویہار علاقہ مانہ اہل مستفید ہون آلاں نانہ چابی اُن غے حوالے کریں گا۔ ان نواں تعمیر کیا گیا فلیٹس غا افتتاح سنگ دہلی ترقیاتی اتھارٹی غی طرفوں دوجا کامیاب اصل جگہاں ور کچا مکاناں و چوگی جھو نیڑی با زابا دکاری پروجیکٹ غو مقصد جے جے کلسٹرس غا بسنیکاں مانہ بہتر تے صحت افضاء رہن غو ماحول مناسب سہولتاں غے سنگ مہیا کروانو ہے۔ جناب مو دی 2 شہری از سرنو ترقیاتی پروجیکٹاں، نورو جی نگر مانہ عالمی تجارتی مرکز تے سروجنی نگر مانہ جنرل پول رہائشی سہولیات آلا قسم دوئم کو اٹرز غو افتتاح وی کریں گا۔ وزیر اعظم تقریباً 3 سو کروڑ روپیاں غی لاگت سنگ بنیا سکینڈری تعلیم بارے مرکزی بورڈ گا دوا بیلٹ مانہ مربوط دفتری کمپلیکس غو افتتاح وی کریں گا۔

URBRL Final Inspection

ریل گڈی غے ذریعے کشمیر نانہ کنیا کماری سنگ جوڑن غی کوششاں غا اک حصہ غے طور ادھم پور سرینگر، با رہمولہ ریل لائن (یو ایس بی آرا یل) ور 7 تے 8 جنوری

نانہ جموں کشمیر مانہ ریلوے تحفظات بارے کمشنر یعنی سی آر ایس غی طرفوں یو ایس بی آر ایل غی کٹڑہ سکیشن ور حتمی معائنو کیو جا رہیو ہے۔ اج شاملی ریلویز غا چیف عوامی رابطہ افسر ہمانشو شیکھر اُپادھیانے نے کہیو ہے جسے سی آر ایس شمالی سرکل غی طرفوں متوقعہ طور ور اُدھم پور سرینگر بارہمولہ نواں بی جی ریل لِنک پروجیکٹ غے تحت 16 عشاریہ 501 کلو میٹر کٹڑہ ریاسی سکیشن غو 15 جنوری تیں پہلاں معائنو کیو جائے گو تے وزیر اعظم نریندرمو دی مجازی طور ور نوی دہلی تیں 6 جنوری نانہ مجازی طور جموں ریلوے ڈویزن غو افتتاح کریںگا۔ جموں ریلوے ڈویزن غا افتتاح توں بعد 7 تے 8 جنوری نانہ سی آر ایس غی طرفوں حتمی معائنو منعقد کیو جائے گو۔ اس معائنہ غے دوران سی آر ایس غے سنگ دوجا سینئر افسران وی موجود رہیں گا۔ بھارتیہ ریلوے جموں کشمیر واسطے اک نوی وندے بھارت ٹرین 2 میل و ایکسپریس ریل گڈیاں نانہ متعارف کروان بارے پوری طرح تیار ہے تے یہ ریل گڈیاں شری ماتا ویشنو دیوی کٹڑہ تے سرینگر ریلوے سٹیشنن بشکار چلیں گی۔ جن غو رکھ رکھاؤ و نگرانی شمالی ریلوے زون کرے گی۔ وندے بھارت ریل گڈی کٹڑہ تیں سویرے 8 بج غے 10 منٹ ور روانہ ہو غے دوپہر تیں پہلاں ہی 11 بج غے 20 منٹ ور سرینگر ریلوے سٹیشن پُج جائے گی۔ اسے طرح میل و ایکسپریس ریل گڈی اک کٹڑہ تیں سویرے 9 بج غے 50 منٹ ور روانہ ہو غے سرینگر ریلوے سٹیشن ور دوپہر 1 بج غے 10 منٹ ور پُجے گی۔ جد کہ میل و ایکسپریس ریل گڈی دوئم کٹڑہ تیں پیشی ویلے 3 بجے روانہ ہو غے سرینگر ریلوے سٹیشن ور شام 6 بج غے 20 منٹ ور پُجے گی۔

Orientation Program

جموں کشمیر قانون ساز اسمبلی جموں غا سینٹرل ہال مانہ جموں کشمیر قانون ساز اسمبلی واسطے چُنیا گیا نواں ممبران اسمبلی واسطے 9 جنوری تیں 11 جنوری 2025 تک 3 روزہ رہنمائی پروگرام منعقد کیو جا رہیو ہے۔ اس پروگرام غو احتمام لوک سبھا سیکریٹریٹ نوی دہلی غا جمہوریتاں بارے پارلیمانی تحقیق و تربیتی ادارہ یعنی پی آر آئی ڈی ای غا اشتراق سنگ کیو جا رہیو ہے۔ اس واقفیتی پروگرام غو آغاز جموں کشمیر قانون ساز اسمبلی غا سپیکر غا استقبالیہ خطبہ تے فر وزیر اعلیٰ عمر عبداللہ غا افتتاحی خطاب سنگ وے گو۔

JMC

جموں میونسپل کارپوریشن غا کمشنر ڈاکٹر دیوانش یادو نے غیر سرکاری تنظیمان غے ذریعے کم ور لایا ورکراں واسطے 5 لکھ روپیاں غا حادثاتی بیمہ کرن بارے اعلان کیو ہے۔ جہیڑو کہ صفائی کرن آلا ملازمین غی حفاظت تے سلامتی نانہ یقینی بنان در اک قدم ہے۔ جموں کشمیر بینک تے بجاج آلائنز غا اشتراک سنگ شروع کی گئی یاہ پہل پہلی جنوری 2025 تیں شروع ہو گئی ہے۔ صفائی ورکراں نانہ رکھن آلی غیر سرکاری تنظیمان غی طرفوں یاہ بیمہ قسط دتی جائے کرے گی۔ ڈاکٹر یادو نے کہیو ہے جسے اس پروگرام مقصد ورکراں تے اُن غا کُنباں نانہ تحفظ مہیا کروانو تے اُن غا اعتماد نانہ مضبوط کرنوے۔ اُنہاں نے اس گل نانہ وی اُجاگر کیو جسے یہ ورکر بہت ساری سرکاری بہبودی اسکیمان تیں وی مستفید وینگا، جہیڑی کہ اِن غی بہتری بارے تیار کی گئی ہیں۔

DC Jammu Capex Budget

ڈپٹی کمشنر جموں سچن کمار ویشے نے بکھ بکھ شعباں مانہہ ضلع کپیکس بجٹ غے تحت کیا گیا کماں غی پیش رفت غو جائزولین غا سلسلہ مانہہ اک بیٹھک غی صدارت کی۔ مذکورہ بیٹھک مانہہ محکمہ تعمیرات عامہ غی طرفوں سکولی تعلیم، صحت تے دوجا محکماں بارے جاری منصوباں غی صورتحال غو جائزولینو گیو۔ جائزہ غے دوران منصوباں غی تکمیل مانہہ درپیش مشکلاں ور تبادلہ خیال کیو گیو۔ ڈی سی موصوف نے مٹھی وی مدت غے اندر ان منصوباں نانہہ مکمل کرن غی ضرورت ور زور دتو۔ کارکر دگی غی اہمیت ور زور دیتاں واں انہاں نے افسراں نانہہ ہدایت کی جے وے رکاوتاں نانہہ دور کریں تے منصوباں غا نفاذ مانہہ اعلیٰ معیار نانہہ برقرار رکھیں۔

IJA Jammu

آرکیٹکس بارے بھارتیہ ادارہ آئی آئی اے جموں کشمیر چیئر اپنی 11 ویں پہل غے تحت اک بار فر تعمیراتی مواد نمائش بی ایم سی 25 سنگ باندے آیو ہے۔ 3 دناں تک چلن آلی یاہ نمائش پلک شروع وے گی۔ اس نمائش مانہہ تقریباً 70 سٹال لگیں گا تے اک چھت غے تلے بہت ساری اشیاء غی نمائش لائی جائے گی۔ جھیڑی کہ 6 جنوری نانہہ اختتام پزیر وے گی۔ اس نمائش مانہہ سب واسطے آنو مفت وے گو۔ مرکزی زیر انتظام علاقہ مانہہ آرکیٹکس نانہہ بابدو دین تے اس نانہہ تعمیراتی صنعت سنگ جڑتا ایوان تجارت نانہہ اک پلیٹ فارم ور اکھٹاں کرن مانہہ آئی آئی اے جموں کشمیر چیئر اہم رول ادا کر رہیو ہے۔

مزید خبراں نال محمد مبارک ماہر۔ ور اُس تیں پہلاں یوہ پیغام۔ (یہ خبر تم آکاشوانی جموں تیں سن رہیا ہیں، تے یہ خبر مہاری ویب سائٹ نیوز آن انیر ڈاٹ گوو ڈاٹ ان ور وی (دستیاب ہیں، اس تیں یہ خبر مہاری موبائل ایپ تے ڈی ٹی ایچ ور وی دستیاب ہیں)

Illegal Mining

غیر قانونی کان کنی غو مقابلو کرن تے اس غی خلاف ورزی کرن آلاں غے آسے پاسے گھیرو تنگ کرن غا اک اہم قدم مانہہ جموں ضلع مانہہ جموں پولیس نے ذاتی فائداں واسطے عوامی وسیلاں غو استحصال کرن آلاں غے خلاف اپنی کوشش تیز کر دتی ہیں۔ جموں ضلع مانہہ سال 2024 غے دوران غیر قانونی کان کنی غے خلاف خصوصی مہم چلائی گئی۔ ان کاروانیاں غا نتیجہ مانہہ غیر قانونی کان کنی مانہہ ملوث 9 سو 33 گڈیاں نانہہ ضبط کیو گیو۔ جن وچوں 8 سو 31 گڈیاں نانہہ ضروری رسمی کاروانی مکمل کرن ور چھوڑ دتو گیو ہے۔ مذکورہ سال غے دوران خلاف ورزی کرن آلاں ور 1 کروڑ 31 لکھ 57 ہزار 3 سو 12 روپیاں غو جرمانو وی عاند کیو گیو ہے۔ اس تیں علاوہ غیر قانونی کان کنی غی سرگرمیاں مانہہ بار بار ملوث افراد ور 4 ایف آئی آر درج کی گئیں ہیں۔ جس مانہہ سخت قانونی کاروانی کی جا رہی ہے۔ ان کامیابیاں ور گل کرتاں واں ایس ایس پی جموں جو گیندر سنگھ نے کہیو کہ جموں پولیس عوامی املاک غی حفاظت تے خطہ مانہہ غیر قانونی کان کنی غی لعنت نانہہ ختم کرن بارے پُر عزم ہے۔

Fencer Shreya

جموں کشمیر غی شریا گپتا نے کیرالہ غا کنور مانہہ 35 ویں سینئر قومی فینسنگ چمپن شپ مانہہ کانسہ غو تمغو جت غے اپنی ٹوپی مانہہ اک بور پنکھ غو اضافو کیو ہے۔ سٹار فینسر شریا گپتا نے سینئر نیشنل مانہہ اپنی صلاحیتاں غو مظاہرہ کرتاں واں شاندار

کارکردگی تین بعد کانسہ غو تمغو حاصل کیو۔ یاہ چمپئن شپ 31 دسمبر 2024 نانہہ شروع ہوئی اور کل موکلی ہے۔ شریا نے راجستھان غی پراکرت شرما تے گجرات غی وندیٹا براڈ نانہہ ناک آوٹ مانہہ 6/15 تیں ہرا غے پوری طرح متاثر کیو۔ سیمی فائنل مانہہ اس غو مقابلو اولمپئن بھوانی دیوی نال تھو، جہیزو شروعاتی برتری تیں بعد 11/15 تیں ہار گئی۔ شریا نے میڈل مانہہ واپسی کرتاں واں کیرالہ غی جو س جوناکراسٹی نانہہ 9/15 تیں ہرایو۔ 5 بین القوامی تمغاں تے 20 قومی سونا غا تمغاں نال شریا غی حوصلہ افزائی کی جا رہی ہے۔ جموں کشمیر کھیڈ کونسل غی سیکریٹری نریت گل نے شریا تے اس غا کوچ چھوٹو لال شرما غی تعریف کی کہ وے علاقہ واسطے قابلِ فخر بنیا۔

Trains Delayed

شمالی بھارت مانہہ کہنی دُھند غی وجہ تیں کئی ساری ریل گڈیاں غی آمدورفت وراثر پیو ہے۔ ریلوے حکام غے مطابق 43 غے قریب دہلی جان آلی ریل گڈیاں 5 گھنٹاں غی دیری نال اپنا سفر کر رہی ہیں۔ مسافراں نانہہ صلاح دتی جا ئے جے وے ریل گڈیاں مانہہ سوار ہون خاطر تے اسٹیشن وراچن تیں پہلاں اُن غی تازہ ترین منزل بارے جانچ کریں۔

Weather

محکمہ موسمیات نے پیشنگوئی کی ہے جے 3 تیں 6 جنوری تک خطہ جموں غا میدانی علاقہ مانہہ ہلکی تیں درمیانہ درجہ غی بارش غے نال نال موسم آبر آلود رہن غو امکان ہے۔ جد کہ 4 تے 5 جنوری نانہہ جموں کشمیر غا اکثر مقامات وراثر برفباری ہون غا امکان ہیں۔ محکمہ موسمیات نے مزید دسیو ہے جے 4 تے 5 جنوری غے ہشکار کچھ اک اوجھا مقامات وراثر بھاری برفباری غو امکان ہے۔ سیلانیاں، مسافراں تے گڈی چالکاں نانہہ صلاح دتی گئی ہے جے وے میدانی علاقہ تے اوجھیں تھاریں برفباری، درجہ حرارت مانہہ کمی تے برفانی صورتحال نانہہ دیکھتاں واں ضلع انتظامیہ تے ٹریفک محکمہ غی ہدایت ورا عمل کریں۔ جموں سرینگر قومی شاہراہ گڈیاں لاریاں غی آمدورفت واسطے کھلی ہے جدکہ مغل شاہراہ ورا گڈیاں لاریاں غی نقل و حرکت بند ہے۔

خاص خاص خبر اک وری فر سن لیو۔

- *1. وزیر اعظم نریندر مو دی پلک دہلی مانہہ کثیر ترقیاتی پروجیکٹاں غو افتتاح کریں گا تے نی پتھر رکھیں گا۔
- *2. ادھم پور سرینگر بارہمولہ ریلوے لائن پروجیکٹ غا کٹڑہ ریاسی ریل لائنک ورا 7 تے 8 جنوری نانہہ حتمی سی آر ایس معائنو کیو جا رہیو ہے تے جموں نانہہ ریلوے ڈویژن غو درجو حاصل ہو وے۔ جس غو 6 جنوری نانہہ وزیر اعظم نریندر مو دی نوی دہلی تیں مجازی طور افتتاح کریں گا۔
- *3. سال 2024 غے دوران جموں ضلع مانہہ غیر قانونی طور کان کئی مانہہ ملوث 9 سو 33 گڈیاں نانہہ ضبط کیو گیو ہے۔
- *4. کاتور کیرالہ مانہہ 35 ویں سینئر قومی فینسنگ چمپئن شپ مانہہ جموں کشمیر غی شریا گپتا نے کانسہ غو تمغو حاصل کیو ہے۔
- *5. تے محکمہ موسمیات غی طرفوں پیشنگوئی کی گئی ہے جے 3 جنوری تیں 6 جنوری تک جموں غا میدانی علاقہ مانہہ ہلکی تیں درمیانہ درجہ غی بارش ہو سکے،

تے جموں کشمیر غا کئی مقامات ور برفباری وی پے سکے، اواں کہنی دھند غی وجہ
سنگ شمال بھارت مانہ بہت ساری ریل گڈیاں غا چلن غا وقت مانہ تاخیر ہوئی ہے۔

اس غے نال ہی خبراں غو یوہ بلیٹن ختم ہوؤ۔